

7. november 2013

UKA 2013/74  
Kristian Jerermissen

**Inunnik najugaqarfigineqartuni aallaasersornerit Kalaallit Nunaani pinerluttulerinermik inatsisip ataani inissisimalersinneqarnissaat, tamatumani inatsisit unioqqutin-neqarnerini pineqaatissiisalernissat aammalu aallasersornermi aallaasit atorneqartut arsaarinnissutigineqartalernissaanik Naalakkersuisut Danmarkip Naalagaaffianik isumaqatiginninniarnissamik aallarniinnissaat Naalakkersuisut peqquneqarnissaat pillugu Inatsisartut aalajangiiffigisassaattut siunnersuut.**

(Inatsisartunut ilaasortaqaq Jens B. Frederiksen, Demokraatit)

Siullermeerneqarnera.

Siumumiit akissutissarput imatut oqaasertalerlugu oqaaseqarfingissavara

Illoqarfimmi nunaqarfimmiluunniit aallaasersortoqarsimanagera toqqissisimanartuunngitsoq pinerluttulerinermi inatsisiniitinneqalernissaa tunngaviusumik siunnersuuteqartoq Siumumiit isumaqatingivarput, ukiuni makkunani politiit ileqqoreqqusaat atuinnassallungu tulluutinnngilaq taamaattumik ingerlariaqqittariaqarpugut pinerluttulerinermi inatsisiniitinneqarnissaa qulakkeerumallungu.

Suliassaq annertuvoq Siumumit isumaqarpugut manna siunnersuut peqqissaartumik suliareqartariaqartoq, aammalu paasissutissat sukumiisut illoqarfiup nunaqarfiulluunniit iluani pisarsimasut isumaliutissiissutikkut ersarissumik saqqummiunneqarnissaat Inatsisartuni ilaasortanut pingaaruteqartoq isumaqarluta.

Siumumiillu Naalakkersuisut suliniutinik aallartitsinerat ajunngitsutut isumaqarfingivarput, peqqissaartumik isumatusaartumillu ingerlatsisariaqarpugut tamatumanimi aamma piffissaq atorneqartariaqarpoq, Siumumiillu Naalakkersuisut kaammattussavagut suliassaq pi-aartumik peqqissaartumillu suliareqqullungu inuit toqqissisimanissaannut aamma pingaaruteqarmat Inatsisitigut pitsaasunik peqarnissarput.

Siumumit oqaatigissavarput nunatsinni sakkunik aallaaniarnermut atorneqartussat qanoq paarineqarnissaat atorneqarnissaallu ulorianartuuneri pissutigalugit meeraanitsinni ilinniartitsisutigineqartarnerat ilisimagatsigu taamaalilluni kinguaariinni ileqqoq taanna atuulluni ileqqussatullu isigineqarluni, Siumumiillu taamatut kinguaariinnut ilinniartitsisarneq pissusissamisoortut isigivarput attanneqartuartaqartorlu isumaqarluta.

Naalakkersuisut suliassanik aallartitsisimanagera Siumup tapersersorpaa taamaalilluni una oqaluserisarput aamma piviusunngortissallungu sulianik ingerlatitsilernerat pissusissami-

soortutut isingivarput, pingaartuuvormi innuttaasut toqqissisimasumik avatangiiseqartin-  
neqarnissaat taamaalilluni inuiannut kalaallinut pitsaanerussammat.

Siumumiit taamatut oqaaseqarluta oqaluuserisaq soqutinginartillungu Inatsisartut Inatsise-  
qarnermut Ataatsimiititaliaanut suliareqqitassanngorlungu ingerlateqqipparput.